

# Mi Prvo Biblija

Biblija Ano Slike


Kenneth N. Taylor





# **Mi Prvo Biblija**

*Biblija Ano Slike*







# *Mi Prvo Biblija*

*Biblija Ano Slike*

*Kenneth N. Taylor*



maranatha  
Leskovac

Originally published in the U.S.A. under the title:  
*My First Bible in Pictures*, by Kenneth N. Taylor  
Text Copyright © 1989 by Tyndale House Publishers  
Illustration Copyright © 1976, 1985, 1988, 1989  
by Tyndale House Publishers.

Romanes Arli © 2024 by MediaWorks, a ministry of OM,  
with permission of Tyndale House Publishers, a division of  
Tyndale House Ministries. All rights reserved.

Forditta: Goran Saitović  
Graphics and layout: MediaWorks

Published as a joint project between:  
MediaWorks                      Maranatha  
*om.org/mediaworks*              Leskovac

Translated by permission. All rights reserved.

## ***E Dadenē Im E Dijenē***

Akija knjiga oto biblijska priče, čerdi e tikore čhavorende. Te legaren la peja ani kandiri, ma mekhen la divencar te terdol. Čitinen la e čhavorende čhere. O priče ka upoznajinen e čhavoren e manušencar oti Biblija. Akala Biblijske priče ka usadinen pe lende ano vile, te bi barjona i te udubinen pe ane Devlesoro lafi. Akala priče vačerenana oto Devel im lesoro čhavo Isus Hrist, i sar o Devel mangela i pravdina em o čačipe.

But oto akala priče te utičinen e čhavorende ano životija. Prosta pitanja kola jasno mothovena ki svako priča te bi lakse razuminena o čhavore.

Već but berša pisinava te bi pomožinava e čhavorende te živinen e Devleja ane lesro milost. Nadinama da akija knjiga ka pomozini but e čhavorende te razuminen koji o Devel.

**Kenneth N. Taylor**


# Prvo Knjiga E Mojsijasiri 1

**O** Devel ćerđa i celo phuv.  
Stvorinđa o luluđa, o kašta,  
o pani im o ćerenja.

O Devel ćerđa o kham te bi ovel  
amen svetlo ko dive.

O kham tačari amen kad injam  
avri. Devla zahvalinama će so  
ćerđan o kham.

*Ko stvorinđa o kham?*





# Prvo Knjiga E Mojsijasiri 1-2


**O** Adam im i Eva inele prva manuša ki phuv.

O Devel stvoridalen. Dinda len but šužo than te živinen athe.

Inele but bathale. O Devel stvorinda i e životinjen.

Pokažin e slone. Kaj i zebra?

*Ko stvorinda e Adame im e Eva?*




# Prvo Knjiga E Mojsijasiri 3

**O** Adam im i Eva žalosna im  
tužna.

Ćerđe nešto so o Devel na dinda  
te ćeren.

Akana o Devel kaznini len.  
Mora te đan taro po šužo čher  
oto Edenski vrt. O Anđelja na ka  
mekhen len te irinen pe palal.

*Sose o Adam im i Eva mora te  
đan oto po šuzo čher?*



# Prvo Knjiga E Mojsijasiri 4

**O** Adam im i Eva inelen duj  
čhave.

Lengoro anav inele Kajin im Avelj.  
O Avelj šunđa e Devle a o Kajin na.  
O Kajin holjandā i mudarđa  
e Avelje.

O bilačhipe alo. O Adam im i Eva  
inele but bibathale.

O Devel ine tužno.

*Sar vičindepe e Adamesre im  
e Evakre čhave?*




# Prvo Knjiga E Mojsijasiri 6

**O** Devel phenda e Nojase te écerel baro brodo.

O brodo vičinipe barka. E Noja pomožinena lesere čhave.

I barka nane ko pani. Al pana hari ka počini but baro baro bršin dok na učari o pani sa. O Noja im lesiri porodica ka oven ko sigurno ano brodo.

*Kaj ka aven o Noja im lesiri porodica kad ka perel o bršin?*






# Prvo Knjiga E Mojsijasiri 7

**O**Noja završinda o brodo.  
Onda o Devel phenda te anel  
ano brodo po dujen životinjen oti  
svako vrsta. Adava ine duj žirafe,  
duj tigrija im duj patke. Sa on  
ka oven spasime, ani barka ked  
ka počini o bršin.

*Kobor isi kengurija?*



# Prvo Knjiga E Mojsijasiri 7


O bršim pelo but, but, but.  
Sa inele učardo e panjea.

Ali e Nojasro brodo plovini  
ko pani.

Oja o Devel pobrinindape e  
Nojase em lesere familijaće im  
e životinjende.

O Devel brininipe i tuće.

*Ko isi ko brodo?*



# Prvo Knjiga E Mojsijasiri 11

**O** manuša éerena bari kula  
vičinipe Vavilonsko kula.

O manuša mislinena da šaj éeren  
la bari đi o nebo.

Al o Devel na manglja te éeren  
adija kula.

Ov ka zaustavini len.

Tari jekh puti na ka razuminen  
jekh avere.

*Ko sprečindā e manušen te  
na éeren i kula?*



# Prvo Knjiga E Mojsijasiri 12

**O** Avram inele posebno e  
Devlesoro amal.

Lesri romni vičinipe Sara.

O Devel phenđa e Avramese te  
đal ani aver phuv.

Phenđa da ka del e Avramesre  
porodicaće celo adija phuv i zauvek  
te živinen adari. E Avrame inele  
but bakre im but hera. Šaj li te  
pokažine len.

*Sar vičinipe akava manuš  
im lesiri romni?*



Maureen McKee Wood



# Prvo Knjiga E Mojsijasiri 21

**O** Avram im lesri romni i Sara inele but tužna.

Jer na inelen čhave. Ali koi akava baro čhavo?

Akana isolen čhavo vičinipe Isak. Oni but bathale so o Devel šunđa lengre molitve i dindalen čhave.

*Sar vičindape e Avramesoro im e Sarakoro čhavo?*



# Prvo Knjiga E Mojsijasiri 28

**K**ad o Isak barilo, lelja e Reveka  
i inele čhavo Jakov.

O Jakov inele but umorno i  
zasuća ko bar umesto ki navlaka.

Sanjinđa o anđelja sar ukljena  
im huljena oto nebo.

Tad o Devel phenđa e Jakovese.  
»Me ka brininama tutar.«

*So sanjinđa o Jakov?*



# Prvo Knjiga E Mojsijasiri 33

**E** Jakove ine prhal bliznako vičindape Isav.

Kad on barile, but svađinđepe.  
I o Jakov đelo dur.

Bičhalđa e Isavese se poruka.  
Phenđa sar nadinipe da opet  
ka oven phrala.

Akana i but bathale so palem  
dikhenape.

*Sar vičinenape o phralja?*



P. R. Hork


# Prvo Knjiga E Mojsijasiri 37

**A**kava purano o Jakov. Inele dešuduj čhave.

But voliča pe čhave e Josife.

Dinđele but šužo ogrtači. Lesere phralja holjame, jer na dinđalen suže ogrtačija. A mora te raduinen pe so ole dinđa.

*So o dad dinđa e Josife?*





# Dujto Knjiga E Mojsijasri 2

**A**kava čavoro vičinipe Mojsije.  
Akija rakhli oji princeza.  
Arakhlja le ani len, ani korpa.  
O lošna manuša manglje te  
mudaren le. O Devel bičaldā e  
princeza te araki e Mojsije i te  
aragle sar pe čhave.

*Kaj araklja i princeza e čhave?*



# Dujto Knjiga E Mojsijasri 3

**O** Mojsije akana barilo. Jekh dive dikhlja o kaš so thabljola, ali nikako te thabljola. Oto adava kaš, o Devel javindape e Mojsijase i phenda lese »Đa i pomožin me narodo!« O Mojsije prvo darandilo, ali o Devel phenda lese »Me ka pomožinav tut!«

*So phenda o Devel e Mojsijase?*



# Dujto Knjiga E Mojsijasri 5

**E** Devlesoro narodo živini ano Egipat.

O manuš e šibinkaja terini len te radinen. On ka zamolinen e Devle te pomožini lende. O Devel ka bičhali e Mojsije te sprečini adale manuše te marel len. O Mojsije ka pomožini sa e Devlesere narodo.

*Ko ka pomožini e Devlesre narodo?*



# Dujto Knjiga E Mojsijasiri 7-11

**O** Mojsije phenđa e Faraonese te mekhel e Devlesere narodo taro Egipat.

O Faraon na manglja. O Devel bičhalđa but nevolje, žabe slično.

O Faraon opet odbinđa. Ko krajo o Devel phenđa ka merel najphureder čhavo oti svako familija ano Egipat.

*So o Mojsije phenđa e  
Faraonese?*



P. P. P.



# Dujto Knjiga E Mojsijasiri 12

**O** Mojsije phenda e Devlesere narodose, e rateja te makhen pe udara. O Devel na ka mudari nikas ano čher ako dikhel rat ko udara.

Adija rat kad sa adava desinipe vičinipe pasha.

Tek tad vačerđa o Faraon e Devlesere narodose da šaj te đan taro Egipat. Adaja rat đe.

*Sose o udar mablje rateja?*



# Dujto Knjiga E

## Mojsijasiri 14

**E** Devlesro narodo phirela ko dno oto pani kova vičinipe Lolo More.

Dikhena li sar o pani terđola na upre oto solduj strane?

Kad o Mojsija vazdinda po štapi, o Devel ćerđa o pani te razdvoinipe.

Akana o manuša šaj te piren ko šuko dno.

*Ko ćerđa te razdvoinipe o pani?*



# Dujto Knjiga E

## Mojsijasiri 16

**A**kaja porodica ćedela sitna  
parčikija maro oti phuv.

O Devel bičhalđa o maro oto nebo  
lesoro narodo te na oven bokhale.

O Devel ko adava način svako  
sabale dinda pe narodo te hal.

Pokažin e čhijorja koja zahvalini  
e Devlese?

*Kotar alo o maro?*



# Dujto Knjiga E Mojsijasiri 17

**E** Devlesere narodose piljape but  
pani, ali na injelen so te pijen.

O Devel phenđa e Mojsijase te  
khuvel e štapoja ani stena.

Ked o Mojsija khuvđa, O Devel  
čerđa te đal pani oti stena.

Tad inele sarijenđe pani te pijen  
kobor mangena.

*So desinđape ked o Mojsije  
khuvđa ani stena?*





# Dujto Knjiga E Mojsijasiri 20

**O** Mojsije šunel e Devle. O Devel penel e Mojsijase deš but važna pravilja kola mangela leso narodo te šunen.

O Devel pisindža adala deš pravilja ko ploće oto bar.

Adala pravilja vičinenape deš e Devlesere zapovestija.

*Sar vičinenape o deš pravilja?*



# Dujto Knjiga E Mojsijasiri 31–32


**O**-na! dikhen so ćerela  
e Devlesoro narodo! Ćerđe  
idole ko oblik e telcosro.

I klanidepe e idolese a na  
e Devlese.

Akava e Devle holjanćerđa  
i o žalostindđa.

O Devel morandilo te kaznini  
olen adava so ćerđe.

*So ćerena akala manuša sose  
adava nane šukar?*




# Dujto Knjiga E Mojsijasiri 35–36

**K**o akava but sužo šatori hine  
o Devel.

A dava inele e Devlesoro čher.  
Adari o manuša đana te zahvalinen  
em te molinen e Devle. Ano šatori  
klanjidepe e Devlese. Adava inele  
lengri kandiri.

*Izgledini li o šatori sar ti  
kandiri?*



# Dujto Knjiga E Mojsijasiri 40

**O** Mojsije igari e narodo ko baro drom. Sar o Mojsije đanela kaj valjani te đal? Dikhela ano nebo ko posebno oblako kova o Devel bičhalđa. O Mojsije im o narodo phirena kaj o Devel bičhali o oblako. Šaj li sikave o oblako?

*Ko pomerini o oblako?*






# Štarto Knjiga E Mojsijasiri 13–14

**D**ikhena li akala bare drakha  
kola legarena akala manuša.  
Vičinenape Halev im Isus Navin.  
O drakha barile ani phuv koja o  
Devel obećinda te del ple narodose.  
O manuša siđarena čhere te  
sikavene pe amalende so šukar  
barjona ani obećime phuv.

*Kaj barile o drakha?*



# Štarto Knjiga E Mojsijasiri 21

**E** Devlesere narodo hale o sapa,  
pa nesave adalestar mule.

O Devel phenda e Mojsijase te ćerel  
bare sape.

Manuša saven bi hal o sap  
šaj ine te dikhen e sape ko kaš.

Tad o Devel ka ćerel te sasljari len.

*Ko e manušen ponovo sasljarda?*



# Štarto Knjiga E Mojsijasiri 22

**O** Devel na mangel o Valam  
te đal akale dromeja.


Adalese bičhalđa e anđeale te  
zaustavini le.

Kad i herni dikhlja e anđeale  
ačhili. O Valam khuvđala te đal.

Tad i herni počinđa te vaćeri!  
»Sose marejama?« pućlja.

Tegani i o Valam dikhlja e anđeale,  
tad ine srećno so i herni ačhili.

*So phenđa i herni?*




## Isus Navin 6

**A** ver vođa e Devlesere narodose  
ine o Isus Navin.

O Devel phendālese te uništini i  
diz Jerihon. O Isus Navin im lesere  
manuša phirđe uzalinde e dizjakere  
ziđa, trubinde im vičinde i o zidija  
rušindepe, te bi e Devlesoro narodo  
đerđini ani diz.

*So desinipe e zidijencar?*






# Knjiga E Sudijengri 7

**O** Gedeon manglja te igari peja deš hiljaden vojniconen ki borba protiv e Devlesre neprjatelja. O Devel manglja te igari samo hari.

O Devel phenda e Gedeonese te odabirini samo trišel muršen kola pilje oto pe vasta.

O Gedeon darandilo te pođini odobor hari vojskaja, al o Devel phenda lese kaj ka pomognini le.

***Kobor vojniconen Legarđa o Gedeon?***



# Knjiga E Sudijengri 15

**O** Samson inele but, but zoralo manuš. Dikhen sar čhinda o šelo!

Jekh puti vastencar mudarđa e lave. A posle peravđa i palata te kaznini e Devlesere neprijateljnen.

O Devel ćerďale još po zoralo te bi pomožini e Devlesere narodo.

*Sar vičnipe akava manuš?*



R. Hook

# Knjiga Oto Jov 1


**O**manuš ano parno fostani  
o Jov.

Ov inele but šukar manuš i uvek  
trudindape te ćerel so phenela  
o Devel.

Onda o beng manglja oto o Devel  
te dopustini lese te ćerel e Jovase  
opasna stvarija.

O Jova ine but tužno, al ov pana  
volinda e Devle.

***Dali o Jova uvek volinda  
e Devle?***



# Ruta 1

I đuvli ani plavo Fostani vičinipe Noemi. Oj žalosno pošto mulo lakro rom im lakre čhave. I Ruta ka pokušini te smirinila. Oj ka ačhel olaja.

O Devel mangela i amen te pomožina averende.

Sar šaj tu nekas te pomožine?

*Sar vičinipe i đuvli so pomožini e Noema?*





# Prvo Knjiga E Samuilesiri 2

**O** Samuilo inele tičkoro čhavoro, živinda ano šatori i pomožini e Ilija. Jekh rat šunđa glaso, prvo mislinda da adava o Ilija.

Ali adava inele e Devlesoro glaso. E Devle inele poruka e Samuilese. O Samuilo šunđa e Devle.

*Ko vičinda e Samuile?*



# Prvo Knjiga E Samuilesiri 8

**K**ed barilo o Samuil o narodo manglja kraljo.


E Devlese na inele adava drago.

Đanda da nakovel sloga athe.

Ali odaberinđa e Saule sar kraljo.

O Saul inele baro i đando. O Samuil phenđa e narodose »Aće, isi amen nevo kraljo. Oven lese poslušna.«


*Ko postaninđa kraljo?*



# Prvo Knjiga E Samuilesiri 16

**O** David inele posebno e Devlesro amal. Sar čhavoro arakhlja pe dadesre bakren. dikhena li zalo leste harfa. Pisinda but šuže đilja te sikaj e Devlese kobor volini ole. But lesre đilja isi ani Biblija. Vičinenape Psalmija.

*So pisinda o David?*



H. Hunt -

# Prvo Knjiga E Samuilesiri 17

**A**kava lav mangela te hal  
e bakren.

Šaj li te sikaven e lave? Kaj o  
bakre? O Devel ćerđa e Davide but  
zoralo im hrabro.

E Devlese blagosloveja o David  
ka mudari e lavo te ne bi mudari  
e bakren.

*Ka hal li o lavo e bakren?*





# Prvo Knjiga E Samuilosiri 17

**O** Golijat mangela te mudari  
e Devlesre narodo.

O David e bareja khuvela  
e Golijate.

Ov đanel da o Devel ka  
pomožini lese.

O bar ka pogodini e Golijate  
i ka mudari ole.

E Devlesro narodo ka ovel  
spasime.

*Ko mudarđa e Golijate?*



# Prvo Knjiga E Samuilosiri 20

O kralj o Saul inole jekh čavo, vičinipe Jonatan. O David im o Jonatan inele najbolja, najšukar amala. Ali o Saul manglja te mudari e Davide.

O Jonatan pomožinda e Davidese te našel taro kraljo. O Jonatan đanda da mora te ovel poslušno e Devlese i te pomožini e Davide, iako lesro dad hinele o Saul. Me im tu isto mora te ova poslušna e Devlese.

*Ko inele e Davidesro amal?*



# Prvo Knjiga E Samuilosiri 26

**I**rat peli a o kraljo o Saul sovela.  
Rodinda te mudaren e Davide.  
O David garavđape al ov prvo  
dikhlja e Saule.

Ka ćerel li o David nešto e  
Saullese? O Devel ne bi volini o  
David te ćerel nešto e Saullese.

O David ka ovel poslušno  
e Devlese.

*Ka mudari li o David e Saule?*



R. Hood

# Prvo Knjiga E Samuilosiri 16

**O** Samuilo phurandilo al još služini e Devle.

O Devel phenđa lese te čhorel o maslinovo ulje e Davidese ko šero. Ađakar sikaj pe e narodose ko kovel o nevo kraljo.

O Devel ka pomožini e Davidese te ovel šužo kraljo.

*Ko ka ovel o nevo kraljo?*





# Dujto Knjiga E Samuilosiri 6

**A**kana o David kraljo e  
Izraelesoro.

Akava zlatno kovčeg palo leste  
o kovčeg saveza.

Legari o kovčeg ano Jerusalim.  
Adalese ripini oti sreća.

Ov volini e Devle i o Devel  
volini ole.

O Devel volini i tut. I tu valjani  
te ove srećno.

*Sose o David but batalo?*



# Dujto Knjiga E Samuilosiri 11-12


**A**kaja šuži đuvli vičinipe Vitsajeva. O kraljo o David ćerđa nešto grubo.

Dinđa te mudaren lakre rome tebi šaj ov lel la romnjaće.

Kad adava ćerđa, tad o David phaglja jekh oto naj važna pravilja.

Adava e Devle but holjanćerđa, pa kazniđa e Davide.

*Sose o Devel holjanđa upro o David?*



# Dujto Knjiga E Samuilosiri 18

**A**dava o Avesalom e kraljosoro e Davidesoro čhavo.

E Davidesere vojníci jurinde ole jer namaglja te ovel poslušno e Davidese. Sar jašinda e here o Avesalom nakino talo kaš. Sapletinda pe bala ko kaš, o her naštino a ov ačilo ko kaš te visini.

Posle arakhljale e Davidesiri vojska.

*So ulo e Avesalomesere balenca?*



# Prvo Knjiga Oto Carija 1

**E** Davide isi još jekh čhavo,  
vičinipe Solomun.

E Devlesoro manuš o Natan  
čhivela pe vasta olese ko šero,  
te bi ćerel le kraljo.

O Solomun molinda e Devle te  
ćerel le đando kraljo.

O Devel inele zadovoljno oleja  
i dinddale but đandipe.

*So o Solomun manglja oto  
o Devel?*





# Prvo Knjiga Oto Carija 3

**A** kala duj đuvlja marenape  
ko ka lel e čhave.

I jekh i aver vačerena da lakro  
čhavo. O Devel ćerđa o Solomun  
te đanel kasoro čhavo.

I irinda e pravona dijaće e čhave  
onda zahvalinđe pe e Devlese so  
isolen đando kraljo.

*Sose o đuvlja marđepe?*



# Prvo Knjiga Oto Carija 8


**O** kralj o Solomun ćerđa bari  
kandiri vičindape Hram.

Dikheja li sar terđola adari?  
Zahvalini e Devlese.

O kraljo but bahtalo so e  
Devlesoro manuš.

Me im tu šaj te ova e Devlesere  
manuša.

*So ćerđa o kralj Solomun?*



K. H. H. H.

# Prvo Knjiga Oto Carija 11


**O**kralj o Solomun phagela jekh  
oto naj važna pravilja.

Đanen li sose grešini? Molinipe  
e životinjeđe oto zlato.

Amen đana da valjana te  
molinamen samo e Devlese.

O Devel holjađa but upro leste  
i ka bičali lese but nevolje ko  
lesoro životi.

*So grešinđa o Solomun?*



# Prvo Knjiga

## Oto Carija 17

**O**Ilija e Devlesoro manuš.  
O proroko e Devlesoro o Ilija  
but bokhalo.

Ov volini e Devle, pa o Devel  
bičhalđa lese maro palo čiriklja.

Dikhena li o maro so anen lese  
o čiriklja.

*So o čiriklja anđe e Ilijse?*





# Prvo Knjiga Oto Carija 18

**O** Ilija zamolinda e Devle te bičhali jag oto nebo.

Pokažinen e Ilija? Vazdinda pe vasta nakaro Devel. O Ilija sikaj kobor o Devel močno.

Da li o Devel odgovorinda e Ilijase ki molitva? Oja!

Dikhena savi jag bičhalđa o Devel.

*So o Devel bičhalđa taro nebo?*



## 2 Knjiga Oto Carija 2

**S**o ulo akate? O Devel bičhalđa grasten em kočija oti jag te bi legari e Ilija ano nebo.

O nevo proroko ka ovel o Jelisije. Niko na dikhlja više e Ilija. Ov ilo e Devleja ko nebo.

*Save akala grasta, kuri legarđa e Ilija o Devel?*



R. H. H. H.

## 2 Knjiga Oto Carija 4

**S**a so inele hrana akala đuvlja  
inele hari zajtini ano čupo.

Nevo e Devlesoro proroko o  
Jelisije phenda laće te čhorel adava  
hari zajtini ano sa o čupija.

Čhordā i čhordā ali o čupo na  
praznindāpe!

Akana saj biknel o čupija  
e zajtineja i te činel pese maro.

*Sar o Devel pomognindā  
e đuvljaće?*



## 2 Knjiga Oto Carija 4

**A**kaja đuvli e Jelisijasiri amalin.  
Jekh dive lakro čhavo  
nasvalo i mulo.

Prastandili im vičinda e Jelisije  
im zamolindale te pomožini olese.

O Jelisije molindape i o lakro  
čhavo odma uštino oto mule.

Lesre roditelja inele but bathale.  
O Devel sa šaj te ćerel.

*So inele e čhaveja?*






## 2 Knjiga Oto Carija 5

**O**manuš ani kočija nasvalo i tičkori čhajori phenđa lese da e Devleso proroko o Jelisije šaj te iscelini ole.

O Naaman e kočijencar đala ko Jelisije, kad molindape o Jelisije, o Devel iscelinđa e Naamane.

*So i čhajori phenđa  
e Naamanese?*



## 2 Knjiga Oto Carija 6


**D**ikhena li akava kaš? Akala terne manuša čhindole.

Jekhesse pelo o tover ani len.

Ali o Jelisije e Devlesoro pomagači phendā e toverese te ikljol upro pani upre him o tover uštilo upre.

Akana opet šaj te éeren buti.

*So inele e tovereja?*



## 2 Knjiga Oto Dnevniko 20

**A** kala manuša but bathale.  
Đilabena im ćelena. Đana ani  
kandiri. Penena e Devlese »Hvalaće  
so pomožindan amende.« Me em tu  
šaj te zahvalina lese.

Šaj te perava amaro šero,  
te phanda amare jačha i te pena  
»Devla hvalaće!«

*So phenena e Devlese?*



## 2 Knjiga Oto Carija 11

**K**ad o kraljo o Joas inele  
čhavoro lesri tetka im lesro  
tečo garavdole dok na pherđa efta  
berš. Akana postaninda kraljo.  
O vojnici legaren lesre baba dur  
te na érel lese nešto.

O Joas volini e Devle im ovi  
šužo kraljo.

*Kobor berš isi e Joase?*






## 2 Knjiga Oto Carija 12

**A**kala manuša popravinena pi kandiri.

O kraljo o Joas đanela da valjani te ćerel adava o narodo mangela te ćerel kandiri te ovel len kaj te zahvalinen za sa o šukaripe so ćerđa olende.

*Tu sose bi volineja te zahvaline e Devlese?*



# Jona 1-2

**O** Jona na manglja te šunel e Devle.


Pokušinda te našel e brodoja, ali o Devel bičhalđa i oluja.

E Jona frdinđe ano more. Gutinda le jekh baro mačo.

Posle trin dive o mačo ikaldale oto plo muj.

Akana o Jona ka šunel e Devle.

*So desinda pe e Jonase?*




## 2 Knjiga Oto Dnevniko 28

**O** kraljo o Ahaz nane šukar kralj.  
Naredinđa te phanden i  
kandiri te na đerdinipe andre, im  
te na molinen pe e Devlese.

Adalese o Devel ka kaznini le.

Da li injan bahtalo so niko na  
phandela kli khandiri?

*So inele ani khandiri?*




## 2 Knjiga Oto Carija 18

**B**ut kraljija klanjinđepe e idolenđe. A i e Devleso narodo naučinđe adava.

Zahvalindolenđe zako bršim.  
Adava inele but glupo.

Akana o narodo e Jezekijeresere manuša rušinena e idolen i samo e Devlese ka molinenpe.

*So rušinena akala manuša?*





## 2 Knjiga Oto Carija 22

**A**kava manuš čitini e Devlese pravilija e kraljose e Josijase. O kraljo olende nađanel.

Od akana ka poštujini len i ka čerel so o Devel mangela.

I amen isi e Devlesere pravilija ani Biblija.

Kad čitinaja i Biblija šaj te ova poslušna e Devlese i ov te veselinipe zbog adalese.

*Kaj ka araka e Devlese pravilija?*



# Jeremija 38

**O** Jeremija ine e Devlesoro pomagači.

Ov vačerđa e manušenđe so mangela o Devel te ćeren. Nesave manuša namanglje te šunen le i frdinđe le ani akaja bari rupa. O Jeremija inele but hrabro. Kad ikalđele avri ov palem pričinda olenđe so o Devel mangela te ćeren.

*Sar vičinipe akava manuš?*



R. Hook

# Jeremija 39

**I**but šuži diz o Jerusalim thabljola.  
O neprijatelja e Devlese  
narodosere tharđele. Sose o Devel  
mukhljaljen adava te ćeren?

Adalese so o manuša ani adija  
diz molinđepe idolenđe, a nana  
e Devlese.

*So desinđape akale šuže  
dizjaja?*



# Danilo 1

**O** Danilo im lesere trin amala vaćarena e kraljoja. O kraljo tharđa o Jerusalim i diz kote on živinde. Akana e kraljose svidinenape o Danilo im lesere trin amala. Ov ka zamolinilen te pomogninen ole te vladini pošukar.

*So ka zamolini o kraljo e Danilo im lesere amalen?*






## Danilo 3

**O** kraljo ćerđa baro kipo so lićini  
upro leste, vaćerđa sare te  
klanjinen pe olese. A o Sidrah  
o Misah im o Avdenago na  
klanjinenape e kipose.  
On klanjinenpe samo e Devlese.  
O kraljo holjanđa. Dikhen aver  
slike te dikhena so desinďape!

*Sose akala terne terďona?*



## Danilo 3

**O** kraljo frdinđa ani jag e Sidrahe, e Misahe im e Avdenago so nakamđe te klanjinenpe nikase samo e Devlese. dikhen akava! Ani jag i akana štar đene! O Devel bičhalđa pe anđe te pomognini olen. I jag ništa naštine lenđe.

*Ko pomogninđa olenđe ked inele ani jag?*



## Danilo 5

**O** kraljo darala. Dikhle vas pisini ko duvari. O kraljo na đanel so pisini ko duvari, o Devel sikai e Danilose kaj o kraljo i lošno manuš i adalese našti ovel više kraljo.

*So i pisime ko duvari?*



# Danilo 6

**O** Danilo molinipe samo e Devlese. Na molindape e kraljose. Adalese frdinđele te hanle o lavija. O Devel bičhalđa pe anđele te pazini e Danilo. O lavija ništa našti te ćeren olese.

*So desindape e Danilose?*





## Jestira 5

**A**kija šuži đuvli i kraljica Jestira.  
Oj volini e Devle im but  
šukar premalo e Devlesro narodo.

Oj molini e kraljo te pomožini  
e Devlesere narodose

O kraljo šunel la i ka ćerel so  
i Jestira ka zamolini ole.

*Sar vičinipe i kraljica?*



*By the artist's hand*

## Jezdrina 6

**O** hram so ćerđa o Solomon  
inele uništimo.

Akana o narodo ćerđa but šužo  
hram. Adava lengri khandiri.

Athe sare šaj te aven te  
molenen pe.

O Devel but bathalo pe narodoja.

Ov mangela te đā ani kandiri te  
klanjinamen olese.

*Sar vičinipe akaja šuži zgrada?*



# Luka 1

**O** anđeo o Gavriilo vaćeri e Marijaće nešto but važno. Ov vaćeri kaj ka ovel e Devlesiri čhavesiri daj. I Marija but uzbudime!

But bathali so kovel e spasiťesiri daj. E čhavesoro anav kovel Isus.

*So phendā o anđeo e Marijaće?*



# Luka 1

**O**Zarija im i Jelisaveta but bathale pe tikore čhaveja!

O Anđeo phenđa e Zarijase da ka ovel le čhavo i te čhivel lesro anav Jovan.

Kad o Jovan barilo phenđa e narodose da ka avel o Isus.

I tu šaj te pene te amalende oto Isus.

*Sar vičinipe akava čhavoro?*





## Luka 2

**A**kava e Marijakoro tikoro čhavo. Dal setinejatu sar lesro anav?

Adava o Isus ov e Devlesro čhavo, ali ov bijandilo ani štala, kote živinen o bakre im o hera.

Ano nebo ov inele baro caro pre nego so hulistilo ki phuv sar čhavoro.

*Kaj o Isus bijandilo?*



## Luka 2

**A**kala pastirija arakhlje pe bakren, taro jekh puti dikhle anđele.

Vačerđa lenđe da o Isus bijandilo ani štala, ano diz Vitlejem.

Akana ale još pherdo anđelja.

Slavinena e Devle, so alo o Isus te spasini amen.

*So o anđeo phenđa e pastirende?*



## Luka 2

**O** pastirija prastandile ani diz te dikhen e čhavore.


Araklo le ani štala, baš sar o anđeo phenđa.

I Marija milujini pe čhave.

O Isus izgledinđa sar svako čhavoro, ali o pastirija đanđe da i ov e Devlesoro čhavo.

O anđelo phenđa lende da o Isus spasitelj.

*Kaj o pastirija arakhlje e Isuse?*



## Luka 2

**O** Simeun but purano manuš.  
Ađićerđa but berša te dikhel  
e Devlesere čhave.

Im Marija im o Josif legarđe  
e Isuse ano hram.

Akana o Šimun but bathalo!  
Zahvalini e Devlese so dikhlja  
lesre čhave.

But berša ađićerđa te avel  
akava dive.

*Kas o Šimun ađićerđa te dikhel?*





## Matej 2

**A**će o čhavoro o Isus im lesri  
daj i Marija.

O mudraci odural ale te anen  
e Isuse darija.

Dikhle i éeren koja legardalen  
koro Isus.

Dande da o Isus ka ovel neko but  
važno im baro.

Adalese anđe olese poklonja.

*Sose anđe e Isusesese poklonja?*



## Matej 2

**O** Josif legari e Marija im  
e Isuse ko baro drom.

Našena taro nesave manuša save  
manglje te mudaren e čhavore.

Našena ano Egipat.

O Devel pobrinindape e Isusese,  
ađakhar so vačerđa e Josifese te  
igarle dur.

*Sose đana ko baro drom?*



## Luka 2

**O** Isus im lesiri familia  
irindepe čhere.

Akana o Isus barilo.

Ov e Devlesoro čhavo, ali i  
Marijakoro čhavo.

Ov šunela so sikaven le i Marija  
im o Josif.

On volinen le, i volini olen i  
šunel len.

*Ko inele e Isusesri daj?*



## Luka 2

O Isus barilo. Isole dešuduj berš.  
Ano hram pričinda e  
starešinencar e Devlesere narodoja.

O Isus šunela len im ov  
pućela olen.

Sare iznenadine inele lesre  
pričipnaja im lesere pučipnasa.

*Sose čudinenape akala manuša?*



R. H. K.



# Luka 3

**O** Isus barilo i ulo baro manuš.  
Lesiri familija o Jovan,  
krstinda e narodo kola volinde  
e Devle.

O Jovan akana krstinda e Isuse  
ani len.

O Sveti Duh huljela taro nebo ano  
oblik e golubesoro.

E Devlesoro glaso odupral  
vačerđa: »O Isus mo manglo čhavo.«

*So vačerđa o glaso oto nebo?*



R. Heck

# Jovan 3


**O** Manuš ano šarime ogrtači o Nikodim.

Pučela e Isuse sar šaj đal pe ano nebo.

O Isus penela lese da svako ko ka verujini ane Devleso čhavo ka đal ano nebo. Đaneli sar vičini pe e Devleso čhavo?

Lesro anav Isus.

*So akava manuš pučela e Isuse?*




# Jovan 1

**O** Isus pričini pe amalende.  
Adavaj lesre učenici neko  
lender inele okola kola dolen mače,  
ali o Isus vičindalen te đan oleja.  
Ov ka vaćeri o lende da volini  
len o Devel.

I tu šaj vaćere e manušenje taro  
Isus i vaćer kaj voline olen.

*Sar vićinena pe e Isusesre  
pomagaćija?*



R. H. H.


# Jovan 4

**A**kija đuvli ali te lel pani oto bunari. o Isus phendalaće da šaj del la nešto bolje oto pani. Šaj te del la bathalo životi e Devleja.

Oj verujinđa sa o Isus so phenđa i đeli te phenel sarijenđe.

I on ale i verujinđe ano Isus.

*So o Isus šaj te del adele đuvlja?*






## Luka 5

**A**kala manuša celo rat dolinde mačhen. Naštine dolen nijekhe mače. Tad alo o Isus i vačerđa te probinen pana jekh puti. Ov ćerđa o mače te đerdinen ani mreža. O Isus i silno baro ov šaj sa te ćerel.

*So o Isus ćerđa e mačencar?*



# Matej 5

O Isus pričini e manušende  
oto Devel. Ov vačeri sar  
o Devel mangela to ova sarijencar  
šukar. Na mangela te svađinamen  
ni te holjana. O Isus dindāmen  
zlatno pravilo, »Ćer averse okova  
so mangeja aver te ćerel tuće.«

*Šaj li tu nekase te pomognine?*



## Luka 8

**A**kaja čhaj but nasvali. Dok lako dad pokušinđa te anel e Isuse, oj muli.

O Isus alo ko lengo čher i phenđa, »čhaje ušti« I oj uštili ponovo živinđa.

dikhena li sar opet. O Isus ćerel but šuže stvarija.

*So desinďape akale čhajaja?*



## Marko 8

**A**kava manuš ine kororo. Panden akana tumare jača i ćeren tumen korore. »Dal nane but šukar ked dikheja, a?« Pučlja o Isus e manuše. Veruinava phendža o manuš. Tad o Isus pipinda lese jača i ov dikhlja.

*So dikheja ked phandeja te jača?*






## Luka 8

**O** Isus suča ano brodići ked  
ine bari oluja. Lese amala  
darandile.

Mislinđe da ka tasljon. Vazdinđe e  
Isuse. »Sare ka tasljova,« vičinde.

Al o Isus uštino i phenđa i oluja  
te ačhol. I oj ačhili

*So o Isus phenđa e olujaće?*



# Matej 14

**O** Petar ano pani. Valjani lese pomoć! O Isus avela te pomognini le.

O Isus našti te properel sar o Petar, jer o I Isus e Devlesoro čhavo.

Ov šaj phirel upro pani! O Isus ka pomožini i tut ako zamolinele.

*Šaine li o Petar te phirel upro pani sar o Isus?*




# Jovan 6

**O**manuša inele bokhale.  
O tikoro čhavoro dinda  
e Isusesse po ručko.

Adalestar o Isus ćerđa sarijende  
te han. E Isusesere pomagačija  
podelinde i hrana pherdone  
narodose. O Isus saj ćerel asavke  
but šuze stvarija!

*Ko dinda e Isusesse po ručko?  
So o Isus ćerđa oleja?*



F. K. Heo

# Luka 21

**A**kaja đuvli sa pe pare dindža e Devlese ko hram. Zahvalno e Devlese sa so dindža la. Oj volini e Devle i đanel da ka brininipe olatar.

O Devel mangela te ove lese zahvalna zako sa so ćerđa amende.

*So o Devel dindža tuće, te šaj zahvaline olese?*






## Luka 18

**O** Isus volini čhavoren. Jekh puti o dija anđe pumare čhavoren koro Isus. E Isusesere amala penđe lenđe te đan. O Isus phenđa ma isterinen len, mukhen len kora mande. Posle lejja te miluinilen. O Isus i tut volini.


*So vačerđe e Isusesere amala?  
A so vačerđa o Isus?*



# Luka 10

**O** manuš so pašljola ki phuv raninđele o čora. Nekobor manuša dikhljole, ali na pomogniđole se. Akava manuš ačhilo i phandlja lesre rane. O manuš so dikhljale vičinipe Samarijanac. I tu šaj te ave šukar Samarijanco te pomognine e narodose.

*So ćerel o šukar Samarijanco?*



# Luka 10

**J**ekh dive o Isus halja maro ke pe amalina ki Marija im Marta.

I Marta but radinđa dok ćerđa i večera. Inele nezadovoljno so i Marija šunđa e Isuse. E Isusese ine šukar so i Marija šunđale.

Adava so oj ćerđa ine but važno.

*Ko šunđa e Isuse?*



# Jovan 10

**O** pastiri šukar pazini pe bakren.  
Ov rodel len ako našaldon.

Dolela pe bakre ano vasta ako  
i povredime. O Isus i šukar pastiri.

Amen injam sar o bakre. Ako na  
dikhale, ov i amenca.

*Ko i šukar pastiri?*




R. Hitt



# Jovan 11

**O** Lazar ine e Isusesro amal. Kad mulo lesro telo pačarde i čiće ko grobo ani stena. O Isus alo i molindape olese tad vičinda! »Lazare, ikljov!« O Lazar odma uštino oto mule.

*So o Isus phenda e Lazarese te čerel?*



# Luka 17

**D**eš manuša ki slika i but nasvale. Zamolinđe e Isuse te sasljarlen.

I ov adava ćerđa. Ali samo jekh olendar irindape te zahvalini e Isusesse. Nadinama da tumen setinena tumen te zahvalinen kad neko ćerel tumenđe nesavo šukaripe. Uvek te zahvalinen e Devlese.

*Kobor manuša ale te zahvalinen e Isusesse?*



## Luka 18

**A**kava terno čhavo pučlja e Isuse sar te avel ko nebo. O Isus đanda da ov volini više o pare nego e Devle. O Isus phenda te delini pe pare i te predel po životi e Devlese. Tebi uđini ko nebo, valjani te mangela više e Devle nego pes.

*So akava čhavo naj  
više volinđa?*



R. Hook

# Luka 15

**A**kava dad grlini pe čhave.  
Lesro čhavo našlo ine taro  
čer i palem akana irindape.  
Mislinda da lesro dad na ka volinile  
više! Ali lesro dad but bathalo. O  
Devel i amaro nebesko Dad i ovi  
bathalo kad đakoro leste.

*Koi amoro nebesko Dad?*






# Luka 19

**O** Zakej uštilo ko kaš te dikhel e Isuse. Akana o Isus lese phenol hulji jer avdije ka avav ki to čher. O Zakej but inele bathalo adalese. A tu injan li bathalo so Isus ali ki to čher?


*So o Isus phenđa e Zakej?*



# Luka 19

**O** Isus đerdini ano Jerusalim sar jašini e here. Tikori čhaj đilabi adalestar sar o Isus divno. O dija im o dada mašinena e grankencar te pokažinen da i on bathale. Sare vačerena e Isusese te ovel lengro nevo kralj.

*So ćerel akija čhaj?*



R. + F. Hook

# Jovan 13

**O** Isus thovela pe amalesere pre. O bare manuša obično kokore thovena pumare pre. On na volinena te thoven averengere pre. Nego mora te pomognina averende i ako adava na svidinipe amende.

*Setintu dal nekad čheldanće a pomogniđan te dijaće?*



# Luka 22

**O** Isus zadnjo puti halja maro pe šukar amalncar. Adaja večera vičinipe poslednjo večera. Vačerđa pe amalende da o Juda panari ka anel e vojnikijen pale leste. Pa ka mudaren le. O Isus mulo te ovel amaro Spasitelj.

*Ko ka igari e Isuse?*






# Luka 22

**O** Isus molini pe. Ov đanel da uskoro ka merel zbog amare grehija.

Molini e Devle te pomožini olese.

Ov spremno te merel ako o Devel adava mangela. Tu im me valjani te ova sar o Isus. Uvek valjani te ćera okova so mangel o Devel amendar.

*So o Isus ćerela?*



## Luka 22

**A**kana desinipe nešto but tužno.  
O Juda em o vojnici ale te  
dolen e Isuse, te legaren le. Sa e  
Isusesre amala darandile i naštine.  
Ni na pokušinđe te pomožinen lese.

*So ćerđe e Isusesre amala?*



# Luka 22

**O** Petar i jekh oto o Isusesere amala so naštine kad ale o vojnici. O Petar akana hovaj. Phenela da nađanel e Isuse. Darana te na ćeren lese nešto adalese so pindari e Isuse.

Nikada ma te daran te penen da volinena e Isuse.

*Sose o Petar hovavđa?*



# Luka 23

**O**vojnici ande e Isuse koro o Pilat. O Pilat šaj vaćeri te mekhen e Isuse, ali ov darala adava te vaćeri. Darala da e manušenje na ka sviđinipe ako mekel e Isuse. Adalese vaćeri »o Isus da mora te merel.«

*Sose o Pilat darala te mekel e Isuse?*






# Luka 23

**E** Isuse mudarena. Ov merela ko krsto. Sose mudaren le? Čerđa li nešto so na valjani? Na! Merela zbog sa o lošnipe amen so čerđam.

O Isus mekhela e Devle te kaznini le zbog amende.

*Sose o Isus mulo?*




# Luka 24

**P**ošto o Isus mulo, lesere amala  
čhivde lesro telo ano grobo.  
Akana uskršnje sabale. Duj đuvlja  
dikhena o grobo. E Isusesro telo  
nane ate!

O Devel e Isuse opet oživinda  
i ov iklilo taro grobo. O Isus  
ponovo đivdo.

*Da li o Isus opet ano grobo?*




FRANCIS HOOK

# Luka 24

**A** sar o Isus opet oživinda, pričini pe amalenca. On na đanen da adava o Isus! On inele but tužna, mislinđe da o Isus mulo.

Oto jekhvar shvatinđe da adava o Isus! But inele bathale kad dikhljole da o Isus ponovo đivdo.

*Sose e Isusesere amala  
inele tužna?*



# Luka 24

**D**ikhen so desinipe! O Isus đala ano nebo! Irinepe ko nebo, kaj lesoro Dad. Oprostinipe pe amalendar, ali vaćeri lende da pa ka ovel olencar. Tad i on zauvek ka oven oleja, i amen ka ova oleja.

*Kaj o Isus đala?*



R. Hark



# E Apostolengere Dela 2

**N**ekobor kurće pošto o Isus đelo ko nebo, bičaldā o Sveti Duh te živini an amare vile. E Isusesre amala inele zajedno oto jekh puti dikhle jaga ko pumare šere. Šaj li te pokažinen adala jaga? Posle počinde te pričinen avere čhibjencar kola na đande angleder.

*So inele upre lengre šere?*



# E Apostolengere

## Dela 3

**A**kava manuš nikad naštine te phirel. Naštine te phirel ni kad inele tičkoro čhavo. Šaj dikhena da akana ripini oto radost. So desindape?

E Isusesre amala o Petar im o Jovan vaćerđe lesere nasvalipasre te đal! Adija sila dindalen o Sveti Duh.

*So o Petar im o Jovan ćerđe?*



R. Hook

# E Apostolengere

## Dela 7

**O**manuš so klečini ki čar vičinipe Stefan, ov sarijende vačerda da o Isus samo šaj te oprostni lengre grehija. Na manglja te prestanini te pričini da o Isus divno. Adava manušen holjančerda. Frdinde upro leste bara sa dok na mulo. I delo te živini e Isuseja.

*Sose o manuša holjame?*




# E Apostolengere

## Dela 8

**O** Devel bičhali e Filipe te vačeri e manušeja ani kočija. O Filip adale manušese vačeri oto o Devel.

O manuš mangela te ovel e Devlesro amal. O Filip vačeri lese da šaj te ovel e Devlesoro amal ako verujini ano Isus. I tu šaj te ove e Devlesoro amal.

*So o Filip vačerđa adale manušese?*






# E Apostolengere

## Dela 9

**O** Pavle inele e Isusesro neprijatelj čerđa but zlo mudarđa e manušen kola verujinđe ano Isus. Oto jekhvar nešto sijajinđa i o Pavle pelo ki phuv. O Isus phenđa lese oto nebo. Pala adaleste o Pavle phenđa sarijenđe da o Isus e Devlesoro čhavo.

*Ko vačerđa e Pavlese oto nebo?*



# E Apostolengere Dela 12

**O** Petar ano zatvori jer sarijende phenda da o Isus volini olen i da zbog lende mulo. O Devel bičalđa e anđelen te pomogninen lese, a anđelja ćerđe te pravđon o lancija oto Petresre vasta im oto pre!

O udara oto zatvori inele zaključime ali o anđeo prhavđa len bizo ključo i o Petar iklistilo.

*So desindape e lancijencar?*



## 2 Knjiga E Timotejesri 1

**O** Timotije im lesiri baba  
čitinenena i priča oti Biblija.  
Kad ka barjol, ov bute manušenđe  
ka pričini oti Biblija im oto o Isus.  
I Biblija knjiga koja dindāmen o  
Devel. Oj vaćeri amende da o Devel  
but volini amen.

*Isu li tut Biblija?*



# E Apostolengere Dela 13


**S**etinena li tumen e Pavlese ov  
i akana e Devlesoro amal.

Đala ko baro drom e brodoja  
putujini ani aver phuv. Ka vaćeri e  
manušende da o Devel volini olen.

O Pavle misionari.

Šaj i tu jekh dive ko ve misionari.

*Kaj đal o Pavle?*





# E Apostolengere Dela 16

**O** Pavle im o Sila ano zatvori. Adalese so pričinde sarijende oto o Isus. O Devel spasinda pe manusen. Bičalđa baro zemljotres pa lengre lancija pele, o udara oto zatvori inele zaključime, ali i on prhavdile!

*Sar o Devel spasinda e Pavle em e Sila?*




# E Apostolengere Dela 27

**O** Pavle inele ko brod ked inele bari oluja. O brod propelo, ali o Devel spasinda e Pavle im sarijen so ine ko brod.

Sare iklile di obala. O Devel na manglja o Pavle te merel, jer manglja te ovel misionari. O Devel manglja te vaceri sarijende oto o Isus.


*So desindape e brodoja?*



# E Apostolengere Dela 28

**O** Pavle ponovo ano zatvori već odavno, odavno. Akava puti o Devel na bičhalđa potres te ikljol oto zatvor, al o Devel pana volini ole sar pes. Ali na spasindža le. Ponekad o Devel mukhela te ovel amen nevolje. Ali još uvek volini amen.

*Kajtano o Pavle?*



# Otkrivenje 1

**O** Ivan inele jekh oto najbolja e Devlesere amala. Kad o Jovan inele but phurano inele vizija oto nebo. Ani pi vizija dikhlja e Isuse ko nebo.

O Jovan pisinda okolestar so dikhlja. Adija knjiga vičinipe Otkrivenje.

*Ko dikhlja o nebo ani vizija?*





# Mi Prvo Biblija

»Čhiv e čhave ko pravo drom, pa ked  
ka barjol, na ka cidelp e adale dromestar.«  
priče e Solomonesere 22:6

O Čhavoro mangela te ovele lesri Biblija.

Mi prvo Biblija ano slike isola 125 najšuze  
dešavanja oto e Devlesoro lafi,  
kola prepričini o Kenneth N. Taylor.  
A akala šuze slike crtinđe o Richard  
i Frances Hook.

